

«25» օգոստոսի 2020թ.

ք. Սիսիան

Ես՝ ՀՀ ՊԵԿ Հարավային մաքսատուն-վարչության պետ Հայկ Միրզոյանս ուսումնասիրելով ՀՀ քաղաքացի Վահե Գրիգորի Գալինճեանի (անձնագիրը՝ AN0353688, հասցե՝ ք.Գորիս, Մաշտոցի 66) կողմից «Մաքսային տարանցում» մաքսային ընթացակարգով 05.10.2019 թվականի թիվ 05100033/051019/0120727 տարանցման հայտարարագրով հայտարարագրված տրանսպորտային միջոցի փաստաթղթերը.

Պ Ա Ր Զ Ե Ց Ի

ՀՀ քաղաքացի Վահե Գրիգորի Գալինճեանի կողմից 05.10.2019 թվականի թիվ 05100033/051019/0120727 տարանցման հայտարարագրով ՀՀ ներմուծված տրանսպորտային միջոցը սահմանված ժամկետում չի հասցվել նշանակման մաքսային մարմին և չի հայտարարագրվել որևէ այլ ընթացակարգով:

19.06.2020 թվականի թիվ Ն/23.1/94267-2020 գրությամբ Արևելյան մաքսատուն-վարչությունից պահանջվել է տրամադրել թիվ 05100033/051019/0120727 տարանցման հայտարարագրի համար հիմք հանդիսացող փաստաթղթերը:

19.06.2020 թվականի թիվ Ն/22-4/94452-2020 գրությամբ Արևելյան մաքսատուն-վարչությունը տրամադրել է թիվ 05100033/051019/0120727 տարանցման հայտարարագրի համար հիմք հանդիսացող փաստաթղթերի լուսապատճենները:

Վարույթի շրջանակներում թիվ Ն74 մտից համարի զեկուցագրով ՀՄՎ ավագ մաքսային տեսուչ-իրավաբանը խնդրել է տրամադրել թիվ 05100033/051019/0120727 տարանցման հայտարարագրով հայտարարագրված տրանսպորտային միջոցը «բացթողում ներքին սպառման համար» մաքսային ընթացակարգով հայտարարագրելու դեպքում առաջացող մաքսային վճարների չափին մասին տեղեկատվություն:

ՀՄՎ Մաքսային գործառնությունների բաժինը թիվ Ն76 մտից համարի տեղեկանքով տրամադրվել է թիվ 05100033/051019/0120727 տարանցման հայտարարագրով հայտարարագրված PEUGEOT մակնիշի, 2 լիտր ծավալով շարժիչ ունեցող, 2014 թավականի արտադրության տրանսպորտային միջոցի մաքսային վճարների չափը:

Համաձայն Ն76 տեղեկանքի մաքսային վճարները կկազմեն 2,024,403 ՀՀ դրամ, որից ԱԱՀ՝ 1,309,908 ՀՀ դրամ, մաքսատուրք՝ 595412.5 ՀՀ դրամ, բնապահպանական վճար՝ 119082,5 ՀՀ դրամ:

Թիվ Ն77 մտից համարի զեկուցագրով ՀՄՎ ավագ մաքսային տեսուչ-իրավաբանը խնդրել է տեղեկատվություն տրամադրել թիվ 05100033/051019/0120727 տարանցման հայտարարագրով հայտարարագրված տրանսպորտային միջոցի մաքսային վճարները

սահմանված ժամկետում չվճարելու արդյունքում հաշվարկված տույժերի վերաբերյալ տեղեկանք:

ՀՄՎ Մաքսային գործառնությունների բաժինը Ն/79 մտից համարի զեկուցագրով տրամադրել է թիվ 05100033/051019/0120727 տարանցման հայտարարագրով հայտարարագրված տրանսպորտային միջոցի մաքսային վճարները սահմանված ժամկետում չվճարելու արդյունքում հաշվարկված տույժերի վերաբերյալ տեղեկանք, համաձայն որի ավելացված արժեքի հարկի տույժը 24.06.2020 թվականի դրությամբ կկազմի 228,694 ՀՀ դրամ, ներմուծման մաքսատուրքի տույժը՝ 235,122 ՀՀ դրամ, բնապահպանական հարկի տույժը՝ 20,940 ՀՀ դրամ:

Նշված փաստի առթիվ ՀՀ ՊԵԿ Հարավային մաքսատուն-վարչությունում հարուցվել է վարչական վարույթ Վահե Գրիգորի Գալինճեանի կողմից վճարման ենթակա մաքսային վճարների գանձման նպատակով, ինչի առթիվ 26.06.2020 թվականին կազմվել է իրազեկում:

Վահե Գրիգորի Գալինճեանին 26.06.2020 թվականին փոստով ք.Գորիս, Մ.Մաշտոցի 66 հասցեին ուղարկված ծրարը 17.07.2020 թվականին վերադարձվել է Հարավային մաքսատուն-վարչություն բացակա նշմամբ, 17.07.2020 թվականի վերոնշյալ հասցեին կրկին փաստով իրազեկում է ուղարկվել Վահե Գրիգորի Գալինճեանին, որը 23.07.2020 թվականին բացակա նշմամբ վերադարձվել է Հարավային մաքսատուն-վարչություն:

Թիվ 1/23.1/49499-2020 գրությամբ հարցում է կատարվել Կադաստրի կոմիտե՝ ըստ հասցեների ՀՀ քաղաքացի Վահե Գրիգորի Գալինճեանի անվամբ՝ ՀՀ-ում գրանցված գույքի վերաբերյալ տեղեկատվություն ստանալու նպատակով:

Թիվ 39733-2020 գրությամբ Կադաստրի կոմիտեին տրամադրել է տեղեկատվություն համաձայն որի քաղաքացի Վահե Գրիգորի Գալինճեանի անվամբ Սյունիքի մարզի, ք.Գորիս, Մ.Մաշտոցի 66 բնակելի տան և 66/1 հողամաս հասցեի անշարժ գույքի միավորների նկատմամբ գրանցված է սեփականության իրավունք:

Թիվ /23.1/49507-2020 գրությամբ հարցում է կատարվել ՀՀ ոստիկանության անձնագրային և վիզաների վարչությանը նպատակ ունենալով տեղեկատվություն ստանալ Վահե Գրիգորի Գալինճեանի վերջին բնակության և հաշվառման վայրերի մասին:

Թիվ 39474-20 գրությամբ ՀՀ ոստիկանության անձնագրային և վիզաների վարչությունից տրամադրած տեղեկատվության համաձայն Վահե Գրիգորի Գալինճեանը հաշվառված է Սյունիքի մարզի, ք.Գորիս, Մաշտոցի փողոց, տուն 66 հասցեում:

23.07.2020 թվականին Վահե Գրիգորի Գալինճեանի պարտավորությունների վերաբերյալ իրազեկումը տեղադրվել է Հայաստանի Հանրապետության ինտերնետով ծանուցման պաշտոնական կայքում՝ azdarar.am-ում:

Վահէ Գրիգորի Գալինճեանն 10.08.2020 թվականին կրկին իրազեկում է ուղարկվել փոստով:

10.08.2020 թվականին վերոնշյալ իրազեկումը տեղադրվել է Հայաստանի Հանրապետության ինտերնետով ծանուցման պաշտոնական կայքում՝ azdarar.am-ում:

Թիվ 05/23.1/50190-2020 գրությամբ հարցում է կատարվել ՀՀ Ոստիկանություն PEUGEOT մակնիշի, VIN-VF3BUAFYWEZ807199 նույնականացման համարի տրանսպորտային միջոցի մասնակցությամբ վթարի կամ որևէ այլ հանցագործության հնարավոր դեպքերի վերաբերյալ տեղեկատվություն ստանալու նպատակով: Ոստիկանությունից թիվ 42989-2020 գրությամբ ստացվել է պատասխան, որ PEUGEOT մակնիշի, VIN-VF3BUAFYWEZ807199 նույնականացման համարի տրանսպորտային միջոցի մասնակցությամբ վթարի կամ որևէ այլ հանցագործության դեպքերի վերաբերյալ տեղեկատվություն առկա չէ և տվյալ տրանսպորտային միջոցը չի հետախուզվում:

ՀՀ Սահմանադրության 60-րդ հոդվածի 8-րդ մասը սահմանում է, որ յուրաքանչյուր ոք պարտավոր է մուծել օրենքին համապատասխան սահմանված հարկեր, տուրքեր, կատարել պետական կամ համայնքային բյուջե մուտքագրվող պարտադիր այլ վճարումներ:

Հարկային օրենսգրքի 78-րդ հոդվածի 5-րդ կետի համաձայն.

«Ներքին սպառման համար բացթողում» մաքսային ընթացակարգով Հայաստանի Հանրապետություն ներմուծվող ապրանքների համար Օրենսգրքով սահմանված կարգով հաշվարկված ԱԱՀ-ի գումարները Հայաստանի Հանրապետության պետական բյուջե են վճարվում մինչև «Ներքին սպառման համար բացթողում» մաքսային ընթացակարգով ապրանքների բաց թողնումը (եթե ԵՏՄ միասնական օրենսդրությամբ այլ ժամկետ սահմանված չէ)՝ որպես մաքսային մարմնին վճարվող գումարներ:

«Մաքսային կարգավորման մասին» ՀՀ օրենքի 115-րդ հոդվածի 1-ին մասի համաձայն՝ տույժեր են համարվում սույն հոդվածով սահմանված այն դրամական գումարները, որոնք մաքսատուրք, հարկեր վճարողը պարտավոր է վճարել Միության մաքսային օրենսդրությամբ և (կամ) Հայաստանի Հանրապետության մաքսային օրենսդրությամբ սահմանված ժամկետներում մաքսային վճարները չվճարելու կամ ոչ ամբողջությամբ վճարելու դեպքում:

Նույն հոդվածի 2-րդ մասի համաձայն՝ մաքսատուրքի, հարկերի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար վճարողից գանձվում է տույժ՝ ժամանակին չվճարված մաքսատուրքի, հարկի գումարի 0,15 տոկոսի չափով, բայց ոչ ավելի, քան 365 օրվա համար, բացառությամբ սույն օրենքով և Միության մաքսային օրենսգրքով և իրավապայմանագրային բազան կազմող պայմանագրերով նախատեսված այն դեպքերի, երբ հայտարարատուին կամ նրա լիազորած անձին տրամադրվել է մաքսատուրքի, հարկերի վճարման հետաձգում:

Հարկային օրենսգրքի 401 հոդվածի համաձայն.

1. Հարկի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար հարկ վճարողը կամ հարկային գործակալը վճարում է տույժ՝ 0.075 տոկոսի չափով:

2. Սույն հոդվածի 1-ին մասով սահմանված տույժը կիրառվում է ժամանակին չմուծված հարկի գումարի (այդ թվում՝ հարկային հարաբերությունները կարգավորող իրավական ակտերով սահմանված դեպքերում՝ հարկային գործակալի կողմից չվճարված), հարկերի կանխավճարային գումարների, հարկային հսկողության արդյունքներով հայտնաբերված (պակաս ցույց տրված) հարկի գումարի նկատմամբ՝ դրանց վճարման ժամկետից անցած ամբողջ ժամանակաշրջանի համար, բայց ոչ ավելի, քան 730 օրվա համար:

«Մաքսային կարգավորման մասին» ՀՀ օրենքի 114-րդ հոդվածի 1-ին մասի համաձայն՝ մաքսատուրքի, հարկերի՝ դրանց գծով տույժերի, տոկոսների վճարման պարտավորությունը սույն օրենքով սահմանված կարգով և ժամկետում չկատարելու դեպքում դրանց բռնագանձումը մաքսային մարմինների կողմից իրականացվում է օրենքով սահմանված կարգով՝ մաքսատուրք, հարկեր վճարողի միջոցների կամ այն ապրանքների արժեքի հաշվին, որոնց համար մաքսատուրքերը, հարկերը չեն վճարվել:

ԵՏՄ մաքսային օրենսգրքի 153-րդ հոդվածի 1-ին մասի 1-ին կետի համաձայն.

1 «Մաքսային տարանցում» մաքսային ընթացակարգով ձևակերպվող օտարերկրյա ապրանքների նկատմամբ ներմուծման մաքսատուրքերը, հարկերը, հատուկ, հակագնազցման, փոխհատուցման տուրքերը վճարելու պարտավորությունն առաջանում է՝

1. հայտարարատուի համար՝ մաքսային մարմնի կողմից տարանցման հայտարարագրի գրանցման պահից:

Ղեկավարվելով վերոգրյալ իրավակարգավորումներով և հիմք ընդունելով «Ներքին սպառման համար բացթողում» մաքսային ընթացակարգով հայտարարագրվելու դեպքում առաջացող մաքսային վճարների և դրանք սահմանված ժամկետում չվճարելու արդյունքում առաջացող տույժերի վերաբերյալ թիվ Ն74 և Ն77 մտից համարներով զեկուցագրերին ի պատասխան թիվ Ն76 և Ն79 մտից համարներով տեղեկանքները՝ Վահէ Գրիգորի Գալինճեանի կողմից վճարման ենթակա մաքսային վճարները և դրանց հանդեպ 24.06.2020 թվականի դրությամբ հաշվարկված տույժերի հետ միասին կազմում են 2,509,159 ՀՀ դրամ և չվճարելու հիմքով ենթակա են բռնագանձման:

Ելնելով վերոգրյալից և ղեկավարվելով ՀՀ Սահմանադրությամբ, «Մաքսային կարգավորման մասին» ՀՀ օրենքով, «Հարկային օրենսգրքով», ԵՏՄ Մաքսային օրենսգրքի և «Վարչարարության հիմունքների և վարչական վարույթի մասին» ՀՀ օրենքի 7-րդ գլխի դրույթներով՝

1. Վահէ Գրիգորի Գալինճեանից հօգուտ պետական բյուջէի բռնագանձել ընդհանուր **2,509,159 ՀՀ դրամ**:
2. Որոշման մասին օրենքով սահմանված կարգով տեղյակ պահել Վահէ Գրիգորի Գալինճեանին:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադասության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐԶՈՅԱՆ